

ฟิลิปปี โคลอสสี
หนังสือสองเล่มในคัมภีร์อินญิล

سورت فيلپي
سورت كولوسي

باليق درفد بهاس اصل
كفد بهاس ملايو لغة فتاني

فيليفي

سورت کيريمن هق توهن بري فولوس
توليس کفد فواق المسيح د بندر فيليفي

فولوس دوق تکور فواق المسيح د فيليفي

باب 1

- 1 اکو ني فولوس ، دغن تیموتیوس ، اورغ هق جادي همب
عیسی المسيح ، هنتر سورت ني کفد فواق مو سموا د بندر فيليفي
سکالي دغن کتوا ۲ دان اورغ فنولوغ کرج دالم فواق مو گاتیق ، هق
جادي میلیق توهن سابیت مو دوق سهاتي سپاوا دغن عیسی
المسیح بلاک .
- 2 اکو مینتاء توهن باف کیت دغن ربتي عیسی المسيح ، نورون
رحمة اتس فواق مو دغن سلامت سجهترا .

فولوس دوق ایفت کا فواق فيليفي تو سممور

- 3 افبیل اکو ایفت کا ادیق برادیق ، اکو اوچف تریما کاسیه کا
- 4 توهن کو . فس ، گنف ۲ کالي اکو دوق مینتاء دعا انتوق فواق مو
فون ، هاتي کو براس فنوه سوک هاتي .
- 5 کران جق دماس مولا ۲ مو فرچاي دولو ، هیفگ سمفي کا ماس لانې ،
مو فاکت تولوغ اکو ، بري سمفي خبر بایک حال عیسی المسيح کا
سموا اورغ .

- 6 فس اكو فرچاي دغن تنتو كات، سموا فركارا موليق هق توهن مولاي بري جادي دالم ديري مو، دي تاء فوتوس، هيغك سمفي سمفرن ده، فد هاري عيسى المسيح تورون ماري فول .
- 7 موليقله اكو براس بالس تو فون، كران اكو فولوس دوق ترايغت دالم هاتي كوسعمور كا فواق مو، سبب، تكه اكو دوق دالم كوق، فس دولو فد توفون، تكه اكو دوق بحس دغن اورغ، بري دي نمفق كات، خبر يڭ بائيك تو سوغكوه، فواق مو دغن اكو سام ۲ تريما رحمة هق توهن سممور.
- 8 فس توهن تاهو اكو تاء بوهوڭ كات اكو دوق كاسيه، فس دوق ايغت كا فواق مو سممور، دغن كاسيه هق تورون درفد عيسى المسيح .

فولوس مينتاء دعا انتوق فواق فيليفي تو

- 9 فس اينيله دعا كو انتوق اديق براديق كوسموا. اكو مينتاء توهن بري فواق مو كاسيه مو اكو كهوورقواة كهوورقواة سممور دغن هاتي هق تاهو فركارا مان هق بنر، فس بوليه ارتي كهندق توهن دالم سموا فركارا تو.
- 10 بالس توله، مو نق جاني اورغ هق فندي فيليه، هق مان موليق نق بوات، هق مان تاء موليق، فس هيغك سمفي هاري هو عيسى المسيح نق جادي حاكيم، فواق مو بوليه مشهادف دي دغن هاتي اخلاص، تاء ساه اف ۲.
- 11 فس بالس تو جوگ، فواق مو نق جاني اورغ هق هاتي فنوه دغن هق بائيك، هق اصل ماري دعيسى المسيح بلاك، انتوق بري پات كمليان هق توهن، فس بري سموا اورغ فوجي كا دي.

تاءليه كات روگي فولوس كنا دوق دالم كوق

- 12 هي اديق براديق كوا! اكو نق بري مو ارتي دغن چرف كات،

- فرکارا هق جايي اتس اکوني، سسوغکوهن تولوغ بري خبريغ
 بائیک تو کهور مشهور کي لاکي فد دولو.
- 13 کران، لاني، کتوا ۲ عسکر دالم کوت راج سيني، دغن بايق اورغ
 لاکي، تاهو چرف ده کات، اکو کنا ايکت بالسر ني سبب اکو
 کرج کا المسيح، تاء ار سبب لائين.
- 14 فس، سا لاکي، سابيت اکو کنا ايکت ني، بري ادیق برادیق دالم
 فواق المسيح دسيني، بايق اورغ دوق هارف کا رتي عيسی
 کهور قواۋه لاکي، سهيغڭ دي کهور براني فد دولو، نق توبيت
 کي رويت فرکتان توهن دافن اورغ، دغن تاء تاکوت کا سیاف ۲.
- 15 سسوغکوهن، دالم فواق هق براني توبيت کي برشرح کات عيسی
 جادي المسيح هق توهن جنجي تو، ار جوگ اورغ هق نق
 ربوت فريغکت اکو فولوس، نق لاون دغن اکو ساح. تافي ار
 اورغ هق برشرح دغن هاتي بائیک جوگ.
- 16 فواق هق هاتي بائیک ني فون برشرح کران دي کاسيه کا اکو
 فس، دي تاهو کات توهن بري اکو دوق دالم کوق سيني، نق
 بري اورغ مفاکو کات خبريغ بائیک تو سوغکوه.
- 17 تافي فواق سائي تو، توجوان دي لائين. دي برشرح نق ربوت
 فريغکت اکو، نق بري بوليه کا دي. دي کامق کات، دغن بوات
 بالسر ني، دي نق بري اکو کهور سوسه، تکه اکو دوق دالم کوق
 دسيني.

فولوس براس سوک هاتي اصل نام المسيح دافت مليا

- 18 تافي بلرله، تاء اف جوگ دي بوات بالسر تو. توجوان دي
 موليق اتوا تاء موليق فون، اکو بوليه براس سوک هاتي جوگ.
 کالو بايق اورغ بوليه دغر شراحن چارا حال المسيح. فس اکو
- 19 نق بوليه سوک هاتي لاکي، سبب اکو تاهو کات، دغن دعا هق
 فواق مودوق مينتاء سممور تو، فس دغن تولوغن روح عيسی

- المسيح سنديري، اكو نق بوليه لفس دغن سلامت.
- 20 توجوان هاتي كو، هق اكو هارف سوغكوه ٢ تاء ايغت كافركارا لائن، ياءيت اكو تاء سير بوات اف ٢ هق بري ديري كو مالو ماس رافن. تافي لاني سروف سممور، اكو نق جاني اورغ هاتي كوكوه، تاء چارا هيدوف اتوا ماتي فون، اصل نام المسيح دافت مليا دالم توبوه كو ني.
- 21 كران تكه اكو هيدوف، اكو هيدوف انتوق المسيح. كالو ماتي فون، اكو نق بوليه اونتوغ بسر لاكي.
- 22 تافي ميسل كات تكه اكو دوق هيدوف ني، اكو بوليه بوات لبيه بايق كرج هق ار فائده، فايه سوغكوه نق فيليه، هيدوف دغن ماتي، هق مان موليق دوا تو.
- 23 كدوان دوق تاريق هاتي كو. سسوغكوهن، اكو براس نق تيفگل دنيا ني كي دودوق دغن المسيح سممور. هق تو موليق سكالې.
- 24 تافي بگكالي، جاني هق لبيه موليق انتوق فواق مو سموا، اكو دوق هيدوف دالم دنيا ني لاكي.
- 25 سبب توله، اكو تنتوره نق دودوق سام فواق مو، تاء تيفگل دنيا لاكي، سابيت نق تولوغ تمبه بري مو كهور سوک هاتي، كران مو فرچاي كهور قواة لاكي.
- 26 فس، بيلا اكو ار فلواغ بوليه ماري زياره فواق مو فول، اكو نق بري مو بوليه فوجي كا المسيح كهور بايق لاكي، كران اكو ماري تو.

اومة المسيح كنا برديري تكف دغن ساتو هاتي

- 27 تافي هق مستحق سكالې، فواق مو كنا هيدوف چارا موليق، چارا هق سوغ فاتوت انتوق اورغ هق تريما ده خبر يڭ بائيك هق المسيح تو. بالس توله، اكو ار اتوا تاء ار فون تاء افله. تافي ار ساتو فركارا هق اكو نق دغر سممور، كات فواق مو

دوق برديري تگف، دغن ار توجوان يځ ساتو. فس، ولو اف ۲
ماري نق بوات خيانة فون، اكونق دغر کات، مو دوق سرورف
فاکي فنغيس دغن ساتو هاتي، انتوق نق جاگ خبر يځ ټايک
هق مو دوق فرچاي تو.

28 جاغن مو تاکوت سترو مو نق بوات بالس ۲ مان فون. کالو مو
دوق سرورف سبوت سائي، نق جايي تندا کا فواق سترو تو،
کات سود سکالي دي نق فونه، فواق مو نق بوليه سلامت
دغن کران توهن دوق سبله مو.

29 کران توهن سوده بري فلواغ ټايک کفد مو، بوکن فرچاي کا المسيح
ساج، دق، تافي کنا سوسه، کنا سيقسا کران دي جوگ.

30 دغن کنا سيقسا بالس ني، معنائ مو ماسوق برلاون ده، دغن
سترو ۲ توهن، سرورف اکو جوگ، هق مو بيلاس تيفوق ده دولو،
فس لاني، مو دغر کات اکو دوق برلاون بالس تو لاکي.

باب 2 اومه المسيح کنا ستوجو دغن فيکيران المسيح

1 اكونق تان اديق براديق سيکيت بري ايغت. المسيح
سوده بري هاتي مو کوکوه بوکن؟ فس، سابيت المسيح کاسيه
کفد مو، هاتي مو ار سماغت، بوکن؟ فس، کرج روح توهن نو
بري مو بوليه دوق سهاتي مو اکو، بوکن؟ فس، دالم فواق مو
مو براس کاسيه کسياغ بلس مو اکو، بوکن؟

2 هي اديق براديق کو! بريله اکو فنوه سوک هاتي، فاکيله فرکارا ۲
ني، دوقله دغن فيکيران سجالن مو اکو، دغن کاسيه سام
سنديري سوغکوه ۲، دغن دوق سهاتي، توجوان يځ ساتو سممور.

3 جاغن مو بوات اف ۲ ايغت کا ديري مو ساج، اتوا سابيت مو
نق بسر کا ديري مو. تافي مو کنا رنده کا ديري مو، بوات کا
اورغ لائين سرورف کنف ۲ اورغ فريغکت دي تيغکي مد مو.

4 مو تاء سه جاگ هق موساج، مو کنا بچارا کا اديق براديق مو

- المسيح سنديري، اكو نق بوليه لفس دغن سلامت.
- 20 توجوان هاتي كو، هق اكو هارف سوغكوه ٢ تاء ايئت كافركارا لائين، ياءيت اكو تاء سير بوات اف ٢ هق بري ديري كو مالو ماس دافن. تافي لاني سروف سممور، اكو نق جاني اورغ هاتي كوكوه، تاء چارا هيدوف اتوا ماتي فون، اصل نام المسيح دافت مليا دالم توبوه كو ني.
- 21 کران تکه اكو هيدوف، اكو هيدوف انتوق المسيح. کالو ماتي فون، اكو نق بوليه اونتوغ بسر لاکي.
- 22 تافي ميسل کات تکه اكو دوق هيدوف ني، اكو بوليه بوات لبیه بايق کرج هق ار فائده، فايه سوغکوه نق فيليه، هيدوف دغن ماتي، هق مان موليق دوا تو.
- 23 کدوان دوق تاريق هاتي کو. سسوغکوهش، اكو براس نق تيفگل دنيا ني کي دودوق دغن المسيح سممور. هق تو موليق سکا لي.
- 24 تافي بگا کالي، جاني هق لبیه موليق انتوق فواق مو سموا، اكو دوق هيدوف دالم دنيا ني لاکي.
- 25 سبب توله، اكو تنتوده نق دودوق سام فواق مو، تاء تيفگل دنيا لاکي، سابيت نق تولوغ تمبه بري مو کهور سوک هاتي، کران مو فرچاي کهور قواة لاکي.
- 26 فس، بيلا اكو ار فلواغ بوليه ماري زياره فواق مو فول، اكو نق بري مو بوليه فوجي کا المسيح کهور بايق لاکي، کران اكو ماري تو.

اومة المسيح کنا برديري تکف دغن ساتو هاتي

- 27 تافي هق مستحق سکا لي، فواق مو کنا هيدوف چارا موليق، چارا هق سوغ فاتوت انتوق اورغ هق تريما ده خبر يڭ بائيك هق المسيح تو. بالس توله، اكو ار اتوا تاء ار فون تاء افله. تافي ادساتو فرکارا هق اكو نق دغر سممور، کات فواق مو

دوق برديري تگف، دغن اد توجوان يځ ساتو. فس، ولو اف ۲
ماري نق بوات خيانه فون، اكونق دغر کات، مو دوق سروف
فاکي فنغيس دغن ساتو هاتي، انتوق نق جاگ خبر يځ باءيک
هق مو دوق فرچاي تو.

28 جاغن مو تاکوت سترو مو نق بوات بالس ۲ مان فون. کالو مو
دوق سروف سبوت سائي، نق جايي تندا کا فواق سترو تو،
کات سود سکالي دي نق فونه، فواق مو نق بوليہ سلامت
دغن کران توهن دوق سبله مو.

29 کران توهن سوده بري فلواغ باءيک کفد مو، بوکن فرچاي کا المسيح
ساج، دق، تافي کنا سوسه، کنا سيقسا کران دي جوگ.

30 دغن کنا سيقسا بالس ني، معنائ مو ماسوق برلاون ده، دغن
سترو ۲ توهن، سروف اکو جوگ، هق مو بيلاس تيغوق ده دولو،
فس لاني، مو دغرکات اکو دوق برلاون بالس تو لاکي.

باب 2 اومه المسيح کنا ستوجو دغن فيکيران المسيح

1 اكونق تان اديق براديق سيکيت بري ايغت. المسيح
سوده بري هاتي مو کوکوه بوکن؟ فس، سابيت المسيح کاسيه
کفد مو، هاتي مو اد سماغت، بوکن؟ فس، کرج روح توهن نق
بري مو بوليہ دوق سهاتي مو اکو، بوکن؟ فس، دالم فواق مو
مو براس کاسيه کسياغ بلس مو اکو، بوکن؟

2 هي اديق براديق کو! بريله اکو فنوه سوک هاتي، فاکيله فرکارا ۲
ني، دوقله دغن فيکيران سجالن مو اکو، دغن کاسيه سام
سنديري سوغکوه ۲، دغن دوق سهاتي، توجوان يځ ساتو سمهور.

3 جاغن مو بوات اف ۲ ايغت کا ډيري مو ساج، اتوا سابيت مو
نق بسر کا ډيري مو. تافي مو کنا رنده کا ډيري مو، بوات کا
اورغ لائين سروف کنف ۲ اورغ فريغکت دي تيغکي فد مو.

4 مو تاء سه جاگ هق موساج، مو کنا بچارا کا اديق براديق مو

کاتیق !

- 5 چارا حال ستوجوان مو اکو دالم فواق مو، مو کنف ۲ اورغ کنا
- 6 ستوجو دغن فيکيران المسيح سنديري. المسيح ني دغن توهن
- 6 جادي هق تولا، تافي المسيح تاء کيرا کات بي کنا فکنغ کا
فريغکت بي دوق سام توهن تو، دق.
- 7 بي تيغگل هابيس فريغکت بي هق تيغکي تو، سره ديري بي
تورون ماري امبيق فريغکت هق هينا، يائيت جادي همب، دغن
کران بي برانق جادي مائسي سروف کيت.
- 8 فس، بيلا جاني مائسي ده، بي فون کهور ۲ رنده ديري بي
لاکي، دغن طاعة کا توهن هيغک سمفي کنا بونوه ماتي، يائيت
کماتين يغ هينا دکايو امفت چابغ.
- 9 سابيت توله، توهن سوده اغکيت عيسي کا تمفت هق مهاملپا،
دغن نام تيغکي سکالي فد نام لائين.
- 10 سهيغک سموا مخلوق هق دوق دلاغيت اتوا دبومي فون، فس
مخلوق هق دوق باوه بومي فون سروف، کنا ماري سجود حرمة
کا عيسي کران نام بي تيغکي کيتولالو.
- 11 فس سموان نق کنا مفاکو کات عيسي المسيح جاني ربتي.
بالس توله، بري پات کمليان توهن باف.

انق ۲ توهن کنا دوق سوچي دالم دنيا هق کلف

- 12 سابيت توله، هي ادیق برادیق کو هق اکو کاسيه! مو کنا
کاچن طاعة کا توهن سروف سممور. بوکن تکه اکو دوق ار
سکالي دغن موساج، دق. اکو سوروه مو طاعة کهور قواة، کهور
قواة لاکي، کران اکو تاء ده. مو کنا تبينغ کرجاله، دغن تاکوت،
دغن کتر کتالينغ، انتوق نق بري ديري مو سلامت سمفرن.
- 13 کران توهن دوق بوات کرج بي دالم هاتي مو کاتیق، نق بري
مو کهندق نق طاعة، فس بوليه طاعة، سموا هق بي برکنن.

- 14 سموا فرکارا هق مو دوق بوات فون مو کنا بوات دغن سوغکوه ۲ هاتي. مو جاغن دوق مغيقيق، جاغن دوق برسوغوت تان ۲
- 15 سممور، باروله مو نق جاني اورغ سوچي، دالم اتوا لوار، هق اورغ لاین تاليه نمفق کات ساله، انق ۲ توهن هق سمفرن، ولو مو دوق دتغه ماء نسي هق هاتي بيلق، هق درهاک کا توهن فون. تافي مو کنا دوق دالم فواق دي تو، سروف
- 16 بينتغ ۲ دلاغيت دوق سولوه دالم تمفت کلف، تکه مو دوق رويت بري چرف کا فواق ۲ تو، خبر يځ بائیک هق بوليه بري دي هيديوف چارا بارو. کالو مو دودوق بالس ني فون، بيلا سمفي ده هاري هق المسيح نق ماري فول تو، فواق مو نق جاني تندا، کات کرج کو دغن اوسها کو تو، تاء سيا ۲.
- 17 بځکالي دکت نق سمفي ماس هق داره اکو، فولوس ني، کنا تومغه توبيت. فواق مو دوفيليفي فون دوق سره ديري کا توهن جوگ، نق بوات کرج کا دي کران مو فرچاي کا دي. فس، کالو اکو دغن سره پاوا کو، بوليه تولوغ بري سمفرن کرج مو تو، اکو نق براس سوک هاتي سابيت فواق مو.
- 18 فس، فواق موفون، سوغ فاتوتله براس سوک هاتي سابيت اکو کاتيک.

خبر چارا حال اديق براديق هق باليق فولوس

- 19 اکو دوق هارف کا ربي عيسي کات، تاء لام لاکي دي بري اکو بوليه هنتر اديق کيت تيموتيوس کي کا تمفت مو، فس بيلا دي کليق ماري دسيني فول، دي نق باوا خبر اديق براديق باليق مو بري اکو دغر، بري هاتي کو کهور قوا لاکي.
- 20 تيموتيوس سئورغ ساج هق براس سروف اکو ني. اورغ لاین تاء، هق امبيق فدولي کا فواق مو سوغکوه ۲. کران سموا اورغ
- 21 نمفقن، دوق فادول کا کرج دي سنديري، تاء فادول کا کرج

- 22 عيسى المسيح . تافي فواق مو تاهو ده ، تيموتيوس ني اورغ هق
 اكو هارف سوغكوه . ري بياس كرج دغن اكو سروف اتق دغن
 باف ، نق بري خبر بائيك تو مشهور كي سرات ۲ تمفت .
- 23 سبب توله ، بيلا اكو دغر نق حاتوه بالس مان اتس اكو دسيني ،
 اكو فون نق هنتر ري كي بري ناهو كا فواق مو سلالو . فس ،
- 24 اكو دوق هارف كا ربي كات ، تاء لام لاكي اكو سنديري نق بوليه
 كي كا تمفت فواق مو حوك .
- 25 تافي لاني ، فد فيكيران اكو ، موليقله اكو سوروه ايفافروديتوس كي
 كا فواق مو دولو . ري سروف اديق كو هق كرج سكاله دغن اكو
 لام ده ، سروف كيت كدوا جاي عسكر ، هق سام ۲ دوق فرغ
 انتوق توهن . ري جاي فسوروه هق فواق مو ديفيليفي هنتر
 ماري دولو نق سوكوغ اكو دسيني .
- 26 فس لاني ري دوق ترايفت ۲ كا فواق مو ، نق تموفول . ري براس
 سرابوت فروت سوغكوه ، کران ري تاهو ده کات ، فواق مو ديق
 نون سوده دغركات ري ساكيت تروق دسيني . فد ماس تو
- 27 سوغكوه ري دوق ساكيت تروق ، دكت نق ماتي . تافي توهن
 كسياغ بلس كا ري ، فس كا اكو كاتيقي . کران توهن تاء سير
 بري تمبه كسوساهن كو كهوور برت لاكي .
- 28 سابيت توله ، اكو براس كهوور كادوه نق هنتر ايفافروديتوس كي
 كا فواق مو باغت ۲ ، نق بري مو براس سنخ هاتي دغن تيغوق
 مات ري فول . اكو فون نق بوليه هيلغ فراسان بيمغ اكو
 جارا حال فواق مو جوگ .
- 29 سابيت توله اكو سوروه اديق براديق سمبوت ايفافروديتوس ني
 دغن سوک هاتي ، هق سوغ فاتوت انتوق اورغ هق جاي ميليق
 ربي عيسى . مو كا بري حرمة كا ري ، فس كا اورغ هق بوات
- 30 سروف ري . کران نکه ري بوات كرج كا المسيح تو ، ري تاء ساين
 كا پاوا ري ، سهيفگ سمفي دکت نق ماتي . هق ري بوات تو

فون، سبب بي جادي واكيل فواق مو، هق مو هنتر ماري نق
تولوغ اكو، فولوس ني.

فرکارا هق ار هرگ مهل سکالي

باب 3

- 1 هي ادیق برادیق کو! فسنن کو هق سور سکالي کا فواق مو، مو
کنا دوق سوک هاتيله، کران مو جاني ميليقي ربي عيسی ده. اكو
راجين نق براولغ ۲ رويت سموا فسنن ني، کران اكو نق بري
فواق مو دوق مولیق.
- 2 مو کنا جاگ بائیک ۲ له، جاغن بري اورغ ماسوق دالم فواق مو نق
بوات جاهت، سروف سوروه اورغ کنا برسونت بارو بوليه کات
سلامت. فراغي اورغ ني تاءلئين فد انجيغ!
- 3 سبب کيت له هق توهن کات ار تندا برسونت سوغکوه. کيت
هق سمبه کا توهن دغن کواس روح توهن دالم هاتي، هق
دوق برسوک ۲ هاتي سبب کيت جادي ميليقي المسيح، هق تاء
کنا هارف کا اتوران مان ۲ انتوق توبوه.
- 4 کالو کنا هارف کا اتوران لوار کات نق بوليه سلامت، تننو اكو
فولوس ني ار سبب نق بوليه سلامت تو، لبیه فد اورغ ۲ لائين
لاکي. کران سمفي عمور لافن هاري ده، اكو کنا برسونت سيف
ده، تندا کات اكو دوق دالم بغسا اسرائیل. فس، اكو کتورون
درفد بنجامين، هق جاني انق چوچو سجاتي تو نينيق کيت،
ابراهيم. اکوني کتورون اورغ عبراني سجاتي. کالو نق رويت
حال اوکام فون، اكو جاني فريسي، فواق هق فکغ اوکام قواة
سکالي. فس، نق رويت حال هاتي فول، دولو اكو راجين
سوغکوه، بوات پاڻ کا فواق ۲ المسيح. فس کالو ار جالن نق
بتول دفنداغن توهن دغن تورووت حکوم ۲ دالم کتاب، اکوله
بتول تاءساله اف ۲.
- 7 تافي سموا فرکارا ني، هق دولو اكو نمفق کات فهلا بايق،

- 8 لاني ، كالو بنديغ دغن المسيح ، هق اكو كيرا تو روکي ساج .
فس بوکن فرکارا ۲ تو ساج ، هق اكو کيرا کات روکي . سموا فرکارا
لائين فون روکي جوگ ، کالو کنل سوغکوه دغن عيسي المسيح
رٻي کو . جادي دپاله هق ار هرگ مهل سکالي انتوق اکو .
سسوگوهن اکو بواغ بلاک ده ، سموا فرکارا لائين تو ، کيرا
کات سروف سمفه ، اصل بوليه تريما المسيح کنتي ، فس بوليه
9 دوق سهاتي دغن دي . اکو تاء سیر کرج کاجن توروت حکوم ۲
دالم کتاب ، بري بوليه توهن کات اکو تاء ساله ده . لاني ،
توهن کات اکو تاء ساله ده ، کران اکو فرچاي کا المسيح .
توهنله هق بري جايي تاء ساله ني کو ، جالن فرچاي تو .
10 کهنلق هاتي کو لاني ، اکو نق کنل کهور ۲ موليق لاگي دغن
المسيح ، اکو نق تريما کواس دتوهن ، کواس هق دي تورو
بري عيسي هيدوف کليق تو ، فس اکو جوغ توروت کسيقسائ
هق سروف المسيح جوگ ، ولو کنا ماتي سروف دي فون ،
11 اصل اکو بوليه هيدوف کليق سوغکوه ۲ ، سروف دي .

فولوس دوق کاجن نق بري بوليه هديه

- 12 بوکن کات اکو بوليه ده ، کهنلق کو ني ، نق ! بوکن کات
اکو بوات دغن سمفرن ده ، سموا فرکارا ، دق ! تافي ، سروف
اکو دوق تيواس لاگي ، نق ربوت هديه تو بري جادي ميليق
کو ، کران عيسي المسيح سوده فيليه اکو بري جادي ميليق دي .
13 هي اديق براديق کو ! اکو تاء ليه کات لاگي ، لاني سموا فرکارا
ني دوق دالم کنکم تاغن کو ، دق . تافي اکو دوق توجو کو
تو سممور ، تاء ار توجو کو لائين . اکو تاء ايغت کا هق
باليق بلاکغ ، تافي اکو کاجن نق بري سمفي کا هق اکو دوق
14 توجو تو . سروف اکو دوق تيواس نق ربوت بنديرا تو ، نق
بري بوليه هديه ، کران اين توجوان توهن دغن فشکيل کت

سوروه تريما ، کوء جالن فرچاي کا عيسى المسيح .

کنا توروت چنتوه هق فولوس بري ده

15 سابيت توله ، کيت هق چوکوف فرچاي سکت هق کيت

تاهوده لاني ، موليک کيت فاکت ستوجو دغن سموا فرکارا هق

اکو بارو رویت سائي. کالو ادیق برادیق تاء ستوجو بالسر تو

لاکي ، ننتي توهن نق بري مو ارتي جوگ.

16 تافي کيت کنف ۲ اورغ کنا بوات توروت فرکارا ۲ هق کيت ارتي

ده ، سمفي سکت ني.

17 يا ادیق برادیق کو ، تبیغله توروت چنتوه کو. اکو بري ده

چنتوه بتول انتوق فواق موسموا. سبب توله ، اورغ مان ۲

فون هق بوات توروت چنتوه تو ، مو کنا فرهاتي تیغوق کا ري

18 گاتیق. کران ار جوگ بایق اورغ هق توروت جالن لائين ، سروف

اکو بیاس رویت اچف کالي ده کا ادیق برادیق . فس لاني فون

اکو نق رویت سکالي لاکي ، دغن براس برت هاتي کات ، فواق ۲

تو جاني سترو دغن جالن هق توهن فیله نق بري مائسي

سلامت ، ياءيت جالن المسيح کنا ماتي فد کايو امت چايغ

هق هينا تو.

19 سور سکالي ، توهن نق جاتوه حکوم اتس فواق هق حاي

سترو ني ، بري بناس ، سابيت ري توروت هاتي ري سديري ،

گنتي توهن . فس لاکي ، هق فاتوت ري کنا مالو ، ري اميف

فاکي فرکارا تو نق بري ديري ري جاي مليا . فس هق مناریق

هاتي ري فون ، فیکيران هق ماري مائسي سديري ، بوکن هق

ماري رتوهن .

20 تافي فواق کيت ني جاي رعیت نکري شرک ده . فس کيت دوق

ننتي جوړو سلامت کيت ، ربّي عيسى المسيح ، هق نق تورون

21 ماري دشرک تو . بيلا ري تورون ماري ده ، ري نق براوبه توبوه

بدان کيت هق هينا ني، نق بري جادي هق مليا، سروف
توبوه هق دي. دي ار کواسر نق بوات بالسر ني، کران سمو
فرکارا هق ار، کنا دوق باوه فرينته دي بلاک.

باب 4

فسنن فولوسر کا ادیق برادیق دیندر فيلیفی

- 1 هي ادیق برادیق کو، هق اکو کاسیه سوغکوه، هق اکو دوق
ترايغت ۲ نق تمو سممور، هق بري اکو فنوه سوک هاتي، هق
جادي تندا کرج کو برجاي تاء سیا ۲ ده. مو کنا برديري تکفله
دالم ليفکوغن ربي عیسی.
- 2 فسر لاني اکو نق مينتا جوگ ۲ چي، ايوریا دغن چي، سينتينحي،
بري بائیک سمولا، کران کدوا جاي ادیق برادیق کریستين.
- 3 فسر، ادیق کو هق بیاس دوق کرج رافت دغن کو سوغکوه، اکو نق
مینتا، ادیق تولوغ دوا اورغ سائي کاتیق. کران دي بیاس کرج
سکالي دغن کیت جوگ، سروف کلیمین دغن ادیق برادیق لاین ۲
لاکي، سمو تو هق بیاس کرج سام اکو، نق بري خبر یغ بائیک
تو برجاي دیق نون. سمو اورغ ني، نام دي تولیس ده دالم
بنجي نام اورغ هق هیدوف چارا بارو.
- 4 هي ادیق برادیق کو! مو کنا دوق برسوک ۲ هاتيله سممور،
کران مو جادي صلیق ربي عیسی ده. اکو سوروه مو سکالي لاکي،
مو کنا دوق برسوک هاتيله!
- 5 مو کنا بري سمو اورغ نمفق کات مو جادي اورغ لعه لمبوت.
ایفتله، تاء لام لاکي ربي عیسی نق تورون ماري فول.
- 6 مو تاء سه بیمغ اف ۲ له هق نق جادي. تافي دالم سمو دعا
مو مينتا له کا توهن اف ۲ هق مو دوق کورغ، دغن اوچف
تريما کاسيهله کا دي سممور.
- 7 فسر توهن نق جاگ هاتي دغن فیکیران فواق مو، بري سنغ
سوغکوه، سنغ بايق فد هق ماء نسي بولیه ارتي، کران مو دوق

سهاتي سپاوا دغن عيسي المسيح سممور.

- 8 فس، هق سود سكالني، دغرله اديق براديق كو! مو كا
تيمبفله، هق مان سوغكوه، هق مان سوغ فاتوت نق حرمت.
هق مان عاديل، هق مان سوچي، هق مان بري اورغ كات يايك
هق مان بري اورغ نق كونجوغ، سموا فركارا هق موليق سكالني.
هق اورغ سموا نق فوجي، بري فيكيران مو توجو كو، تولد!
9 فس اف ٢ هق اكو بيلاس دوق اجر، اف ٢ هق مو بيلاس تريلا
ده درفد كو، فركارا مان مو دغر اتوا تيغوق اكو بوات تو. مو
كنا بوات توروتله بلاك. فس، توهن هق بري هاتي كيت سغ
سوغكوه، دياه نق دودوق سلم مو سممور.

فولوس اوچف تريما كاسيه كا فواق فيليفي

- 10 لاني رتي عيسي بري اكو سوک هاتي سوغكوه، کران لام ده.
اديق براديق باليق مو تاء، ار فلواغ نق تولوغ اكو، تافي لاني
بوني مو بارو كمبغ سمولا. بوکن کات اديق براديق تاء ايغت کا
اكو، بق. تافي تکه دولو تو، مو تاء، ار فلواغ نق تنجوق بوني مو
کا اكو.
11 اكو تاء سیر کات اكو دوق کورغ فد ماس تو، بق! جاتوه بالسر.
مان فون کا اكو، اكو سوده اجر ديري کو، بوليه دودوق دغن
12 فواس هاتي سمات. کالو کورغ فون اكو بوليه دودوق. ليه
فون، اكو بوليه دودوق جوک. جاني بالسر ٢ مان فون، تاء اف.
تاء چوکوف نق ماکن، اتوا ماکن کيغ فون، تاء افله، ار تاء، ار فون
سروف تولا.
13 کران ار ساتو رهسيا هق اكو سوده اجر ديري کو. ياءيت اكو
بوليه هادف سموا فرکارا ني، تاء، ار سکارا هق اكو تاء ليه بوات
سابيت اكو دوق سهاتي سپاوا دغن المسيح، سبب دياه هق
بري کواس کفد اكو.

- 14 سوڱوڱه فون اڪو اجر ڊيري بالس ني، تافي هق فواق مو دوق
تولوڱ اڪو دالم ڪسوساهن اڪو ني موليق سوڱوڱه.
- 15 فواق مو ڊفيليفي فون تاهو ده کات، فد ماس دولو، بيلا اڪو
مولا ۲ ڪرڇ ميمفي خبريغ ٻائيڪ ڪا فواق مو ڊيق نون، فس،
تيغڪل نڪري ماڪدونيا تو، تاء ار فواق المسيح دمان ۲ فون
مليڪن فواق مو ساج، هق ڪيرا کات اڪو ني ڪنا فاکي دويت،
فس فواق موله هق فاکت تولوڱ بري ڪا اڪو.
- 16 فس، تڪه اڪو دوق برهنتي ڊيندر تيسالونيڪا لاکي، مو هنتر
دويت ماري روا تيڪ ڪالي جوڪ، نق سارا اڪو دسيتو.
- 17 بوڪن کات اڪو دوق ننتي نق تريما هديه مو تو، دق. ڪهنديق
هاتي ڪو، نق بري فواق مو ڪهور ۲ تريما حاصلن ڊرڊ توهن،
- 18 جاني بالسن سموا بويي مو. فس هديه ۲ هق فواق مو
ڪيريم ماري ڪا اڪو دغن ايڦاروديتوس تو فادن سڪت تو، چوڪوف
ده. اڪو تاء ڪورغ اف ۲، ار لبيه. هديه تو، ميلل سروف دغن
اسف ڪمين، هق نائيڪ سمفي ڪا توهن، اتوا سروف دغن قربان
هق توهن برڪن.
- 19 فس، توهن ڪو، ستارا مان لبيه ڪکيا ن دي هق تورون ڪا ڪيت
ڪو، جالن عيسي المسيح، ستارا تو جوڪ دي نق بري چوڪوف ڪا
فواق مو، اف ۲ هق مو دوق ڪورغ.
- 20 فوجيله ڪمليا ن توهن باف ڪيت، بوات سلام ۲، امين.
- 21 اڪو ڪيريم ڪاسيه ڪا اڊيق براديق ڪنف ۲ اورغ، هق جادي
مليق المسيح باليق مو. اڊيق براديق هق دوق سڪالي دغن اڪو
- 22 دسيني فون، ڪيريم ڪاسيه ڪا فواق مو جوڪ. فس سموا هق جادي
مليق المسيح باليق اڪو ني، سمفي ڪا اڊيق براديق هق دوق دالم
ڪوت مهاراج روم فون، ڪيريم سلام ڪا فواق مو بلاڪ.
- 23 اڪو مينتا بري رحمة ربي عيسي المسيح دوق دالم هاتي فواق مو
سموا!

کولوسي

سورت کیریمن هق توهن بري فولوس
توليس کفد فواق المسيح د بندر کولوسي

باب 1 فولوس دوق تگور فواق المسيح د کولوسي

1-2 اكو ني فولوس، هق توهن لتق سوروه باوا تيته عيسى
المسيح، دغن ادیق کو تیموتیوس، اكو کدوا ني کیریم کاسیه کا
ادیق برادیق کیت د بندر کولوسي، هق جاني میلیق توهن، هق
فرچاي سوغکوه کا عیسو المسيح. اكو مینتا توهن باف کیت
تورون رحمة دي اتس فواق مو دغن سلامت سجهترا.

فولوس دوق اوچف تریما کاسیه کا توهن

3 افبیل کیت بردها انتوق فواق مو، کیت اوچف تریما کاسیه
کا توهن، یاءیت باف عیسو المسيح ربی کیت.
4 کران کیت دغر ده کات، فواق مو دوق فرچاي کهور قواة کا عیسو
المسیح، فس دوق کاسیه سممور کا سمو اورغ هق حادي ملیق
5 دي. سسوغکوهن، مو دوق بوات بالس ني، کران مو دوق هارف
نق بولیه فرکارا۲ هق توهن چادغ تاروه انتوق فواق مو دسرک.
6 مو دغر ده حال فرکارا۲ ني دالم خبر یغ بائیک، فرکتان هق
بئر تو، هق توهن بري سمغي کا فواق مو ده. خبر یغ بائیک تو

جاري سروف بوليه حاصلن هق موليق دالم هاتي ماء نسي سرات دنيا. فس اورغ هق فرچاي جاي کهور بايق، کهور بايق سممور. فواق مو فون جاي سروف تو جوگ، جق دماس مو دغر خبريغ لايك تو. فس فهم سوغکوه ۲ دالم هاتي کات توهن دوق توروون رحمة دي اتر فواق مو.

۴ فرکارا ني مو مولا ۲ مغاجي دايفافراس، اورغ هق کيت کاسيه تو، هق کرج کا عيسو المسيح سکالي دغن کيت. دي دوق تولوغ کيت کي بوات کرج المسيح، دغن سوغکوه ۲ هاتي. فس دپاله هق ماري رويت بري تاهو کا کيت، کات فواق مو ديق نون کاسيه کا سموا اريق براديق هق جاري ميليق توهن، دغن کواس روح توهن دالم هاتي مو.

دعا فولوس انتوق فواق کولوسي تو

۵ جق هاري ايفافراس رويت بري کيت دغر خبر چارا حال فواق مو، کيت فون مينتا دعا دغن توهن تاء فوتوس ۲، نق بري هاتي مو ارتي، فس بوليه بوات سموا فرکارا هق توهن سوروه تو، دغن کواس روح توهن.

۱۰ بالسر توله مو بوليه توروت جالن هق سوغ دغن اورغ هق جاري ميليق ربي عيسى، نق بري توهن برکنن کا فواق مو سممور. کالو مو توروت جالن ني، مونق توبيت حاصلن هق موليق، سموا فرکارا، فس مونق ارتي حال توهن کهور بايق، کهور بايق لکي.

۱۱ فس، کيت دعا دغن توهن يغ مهاکواس، نق بري فواق مو کواس چوکوف بوليه برديري تکف، فس دوق صبر دغن سوک هاتي، دالم

۱۲ بالا کسوساهن اف ۲ فون، دغن اوچف تريما کاسيه کا توهن باف کيت کاتيقي، کران دي سوو، بري مو فاتوت نق تريما سکيان فساک هق توهن چادغ تاروه دتمفت چره تو، انتوق اورغ هق

جادي ميليقي دي .

کوۋ انق يڭ ساتو ، کيت بوليه سلامت ده

- 13 کران توهن سوده بري کيت لفس بوليه سلامت ده . دريد
کواس شيطان هق کلف تو ، فس سوده اليه کيت بري ماسيوي
دوق باوه فرينته انق دي هق دي کاسيه سوځود تو .
- 14 دغن کران انق دي ماتي توله کيت بوليه لفس ده ، ممتاع توهن
سوده امفون ده ، سموا دوسام کيت .
- 15 کيت تاءليه نمفق توهن ، تافي دي بري نمفق روف دي کوۋ انق
يڭ ساتو . دپاله هق فريځکت تيفځي فد سموا مخلوق توهن .
- 16 سبب دپاله هق بري جادي سموا مخلوق ني . سموا فرکارا دلاښ
اتوا ربومي فون ، سموا هق مات بوليه نمفق ، اتوا تاءليه
فون ، دي بري جادي بلاک . تاءکيرا کات کواس هق قواۋه سکالي .
اتوا هق کورځ قواۋه ، سموا ني جادي دغن کواس انق يڭ ساتو
هق توهن ، فس سموا مخلوق توفون ، سود سکالي کما حرمځ کا
انق يڭ ساتو تو بلاک .
- 17 کران دولوفد سموا مخلوق اد ، انق يڭ ساتو هق توهن اد ده .
فس دپاله هق لتق سموا فرکارا ني بري دوق دتمت دي ماسيوي .
- 18 فس سروف اورځ هق کفلا دوق ميرينته توبوه دي سنديري . سروف
تو جوځ ، انق يڭ ساتو ني جادي کفلا اتس سموا هق جادي کوارک
توهن . دي بري هيډوف چارا بارو کا فواق تو ، سبب دپاله هق
ماتي فس هيډوف کليق هق مولا ۲ سکالي . سبب نيله ، انق يڭ
ساتو اد فريځکت تيفځي سکالي اتس سموا سکل مخلوق تو .
- 19 جادي کهندق توهن باف کيت ، نق بري سموا صيغه ۲ هق دي
دوق دالم توبوه انق يڭ ساتو هق دي دغن چوکوف سمفرن .
- 20 توجوان توهن ، نق بري سموا مخلوق تو ، هق اد دلاښ اتوا
ربومي فون ، برهوبوځ جاي بايک دغن دي سمولا . سموا

بوليه کليق دوق دالم سناغن تو، دغن کران انق يځ ساتو ريل
تومفه داره دي ماتي اتس کايو امفت چايځ تو.

فواق کولوسي تو فون بوليه سلامت بالس تو جوگ

21 فواق مو دکولوسي فون جاني بالس تو جوگ. تکه دولو، فواق

مو جاني سترو دغن توهن. فيکيران مو جاهت، فريواتن فون

22 جاهت جوگ. تافي لاني، توهن باف کيت بري فواق مو برهوبوغ

جاري بانيک سمولا دغن دي، کران عيسي المسيح سنديري ماتي

دکايو امفت چايځ تو. توجوان توهن، نق بري فواق مو جاري

اورغ سوچي انتوق دي، اورغ هق تاءاد سابيت اف ۲ هق بوليه

حکوم کات ساله، بيلا سمفي ماس المسيح باوا فواق مو کي

مفهادف توهن تو.

23 تنتو المسيح نق باوا فواق مو کي مفهادف توهن، بالس ني،

کالو مو تاء فوتوس فرچاي کا دي. مو کنا دوق برديري تکف

اتس هرافن مو، دغن تاء برگويځ ده. هرافن توهق مو سوده

دغر، قد ماس حريځ بانيک سمفي ده کا فواق مو دولو. خبر

يځ بانيک ني، اورغ کي رويت ده سرات دنيا. اکو فولوس ني

فون ار کرج سروف تو جوگ.

فولوس براس سوک هاتي نق کنا سيقسا انتوق فواق تو

24 لاني اکو دوق براس سوک هاتي تکه ۲ اکو دوق کنا سيقسا

انتوق فواق مو. کران اکو ارتي ده کات، دغن سيقسا توبوه

اکو ني، اکو تولوغ بري چوکوف سموا کسيقسائ هق مستي

کا جاني کا کلوارگ توهن. کلوارگ ني فون سروف توبوه المسيح

سنديري ده.

25 توهنله هق لتق اکو سوروه بوات کرج انتق نق تولوغ

کلوارگ توهن سموا، سکالي دغن فواق مو جوگ، ياءيت کرج

- رويت خبر درفد توهن چوکوف سموا .
- 26 جق ماس دولو ۲ لاکي، توهن اد رهسيا، هق دي تاء سير بري مائسي ارتي لاکي. تافي لاني يي بري پات ده کا سموا اورغ هق جاني ميليقي يي، کات، رهسيا هق دي تاروه دولو تو،
- 27 جاري فرکارا هق مستحق سوغکوه انتوق مائسي سموا بغسا ددنيا، ياءيت المسيح تورون ماري نق دوق سگالي دغن اورغ کنف ۲ بغسا، نق بري يي تو اد هق بوليه هارف کو دافن ياءيت نق بوليه سگيان کمليان هق توهن.
- 28 فس کيت دوق رويت حال المسيح ني کا سموا مائسي. کيت بري امران کا اورغ. کيت مفاجر کنف ۲ اورغ، بري دي تاهو چوکوف سموا. توجوان کيت، نق بري يي بوليه ماري مفاارف توهن دغن سمفرن کو دافن، کران يي دوق سهاتي سياوا دغن المسيح.
- 29 اکو فولوس ني فون، کرج توبيت ريغ هابيس ۲ چیکو ده، نق سمفرن توجوان اکو ني، دغن برگنتوغ سمات ۲ فد کواس المسيح، هق يي تورون کا اکو انتوق بوات کرج کوني.

باب 2 توجوان فولوس انتوق اومه المسيح سموا

- 1 اکو رويت بالس ني، نق بري اديق براديق کو تاهو کات، کرج برت ستارا مان هق اکو بوات انتوق فواق مو دکولوسي. فس انتوق فواق المسيح دبندر لاء وريکيا کاتيقي، دغن اورغ لائين ۲ دالم فواق مو هق تاء کنل دغن اکو لاکي.
- 2 توجوان کو، نق تولوغ بري هاتي اديق براديق سموا کهور کمر لاکي، دغن سبب مو دوق برهوبوغ رحيم سام سندرې. فر اکو نق بري مو جاري اورغ کاي علمو، دغن سبب مو ارتي دغن تنتو، رهسيا هق توهن بري پات، ياءيت المسيح سندرې.
- 3 کران المسيح نيله جاني سروف دغن انق کونجي هق بوليه

يوک بري پات سموا ککيان توهن، ياءيت بيچقسنان دغن علمو هق دي.

- 4 اکو رويت بالس ني، سبب اکو تاءسير بري سياف ۲ ماري تيفو فواق مو، دغن فغاچران هق مناريق هاتي بري گامق ۲ کات بتول. 5 کران اکو دوق ايغت کا فواق مو سممور. سوغکوه فون توبوه کو دوق جائوه، تافي فراسان هاتي کو دوق سکالي دغن مو سممور. فس اکو براس سوک هاتي جوگ، کران اکو تاهوده فواق مو سموا فاکت دوق تکه فرچاي کا المسيح تو.

کيت کنا برگنتوغ فد عيسي المسيح ساج

- 6 سابيت مو سوده تريما ده عيسي المسيح، کات دي رتي مو، لاني مو کنا دوق توروت جيچق لفکه دي جوگ. کالو ميسل، 7 مو کنا تومبوه اکر دالم المسيح، فس تومبوه نايک دالم دي جوگ. فس، هق مو فرچاي فد دي، مو کنا بري کهور ۲ قوا سممور، ايکوت فغاچران هق مو تريما ده. فس، اوچفله ريوان تريما کاسيه کفد توهن سممور.

جاغن مو کنا تيفو د فغاچران هق لائين

- 8 جاگ موليقي ۲ له! جاغن بري هاله کا اورغ هق ماري نق ترکم امبيق فواق مو، فس تيفو مو دغن فرکتان هق مانيس ۲، سوروه مو توروت فيکيران ني سنديري هق چريديق تو، تافي سسوغکوهن سيا ۲ ساج. فيکيران دي تو ماري درفد مائسي ساج، درفد کواس هق جاهت دالم دنيا. تننو اصلن يوکن هق المسيح، دق! 9 سبب دالم توبوه المسيحله سموا صيغه ۲ هق توهن، دوق اد دغن سمفرن. 10 فس مو هق دوق سهاتي سپاوا دغن المسيح نيله، بوليه هيديف دغن سمفرن کران المسيح دوق فرينته ده، اتس سموا کواس،

دالم دنيا اتوا دلاغيث فون .

11 فس ، سبب مو دوق سهاتي سپاوا دغن المسيح ده ، مو سوده تريما تندا ري دالم دييري مو ، هق بوليه بنديغ دغن تندا برسونت اورغ يهوي. تافي تندا هق المسيح ني تاسروي دغن تندا هق مائسي بوات سنديري تو. تندا المسيح ني ، معنان طبيعة جاهت دالم هاتي بواغ ده .

روکون مندي تو جادي تندا انتوق مو

12 فس ، روکون مندي بفتيزما هق مو تريما ده تو ، جادي تندا انتوق مو جوگ ، معنان ، جاني سروف مو توروت جان هق المسيح سنديري ، ياءيت مو کا تانم دالم قبور سکاڻي دغن دي ، فس مو هيديوف کليق ده سکاڻي دغن ري جوگ . جاني بالس تو کران مو برگنتوغ فد کواس توهن دغن هاتي فرچاي ، ياءيت کواس هق توهن فاکي بري عيسي هيديوف کليق درفد قبور تو .

13 تکه دولو ، فواق مو دوق سروف دغن اورغ هق ماتي ده ، تاه کابر چارا حال توهن ، دوق توروت هوا نفسو بوات دوسا سممور . مو جاني اورغ بغسا لائين ، هق توهن تاه تورون حکوم ۲ ري کا فواق مو . تافي لاني ، توهن سوده تولوغ بري مو بوليه هيديوف چارا بارو سکاڻي دغن المسيح . توهن سوده امفون ده سما دوسا ۲ کيت .

14 ري هافوس بري تربطل سورت حکومن کسلاهن کيت ، دغن امبيق کي فاکو دکايو امفت چابغ ، تکه عيسي ماتي تو .

15 دغن بوات بالس تو ، المسيح بري هاييس بيديا کواس ۲ هييليس هق مات تاه ليه نمفق تو . کواس ۲ تو فون هاله کا المسيح ، سروف اورغ فرغ هق هاله ده ، کا بلارق توروت بلاکغ هق منغ تو .

کيت لفسر ده درفد اتوران هق لوار تو

15 سبب توله مو تاء کنا دغر کا اورغ هق حکوم کات موساله
اتوران بي، کران بارغ هق مو ماکن مينوم، اتوا کران مو تاء
فاکي هاري راي، هاري بولن بارو، اتوا هاري ميغکو، هق بي
دوق فاکي سممور.

16 کران سموا اتوران تو جادي چنتوه هق بري اورغ تاهو کات، ار
هق سجاتي نق ماري کديان. فس هق سجاتي تو ماري ده،
يائيت المسيح سنديري.

18 مو تاء کنا دغر کا اورغ هق کات موساله، هق کاچغ سوروه مو
مفينا کا ديري مو سنديري، اتوا سمبه بوات عمل کا ملائکه
مان ۲ فون. اورغ تو سوک رویت دغن هالوسي فرکارا فليق، هق
بي کات توهن بري بي نمفق ده، تافي سوغکوه اورغ ني تاء ار
اف نق بري بسر کا ديري بي بالس ني. کران هق بي رویت
تو، بي توروت طبيعة جاهت دالم هاتي بي.

19 بي نق دوق سوکو دغن المسيح هق جاي کفلا تو. فس کفلا
نيله هق بچارا کا سموا توبوه بي. توجوان المسيح، نق بري
هاتي کيت کهور قواة، کهور قواة فرچاي. فس، بي نق بري
کيت دوق سهاتي سام سنديري جوک. اينيله کهندق توهن
انتوق کيت. ميسل سروف اورت ۲ دالم توبوه بدان کيت دوق
بريکم سام سنديري، نق بري کاکه سموا توبوه.

20 ايغتلله اديق براديق! مو سوده توروت جالن المسيح ده، سروف
مو ماتي سکاالي دغن دي. معنان، لاني مو تاء کنا دوق دالم
کواس مان ۲ فون، ملينکن دالم کواس توهن. باء اف مو نق
دوق سروف هق دولو لاگي؟ باء اف مو نق توروت اتوران ۲ هق
21 لارغ کات: جاغن مو فکغ هق تو. جاغن مو ماکن هق ني. فر
جاغن مو جامه موگ تو، موگ ني!

22 عاده ۲ تو ليسوس، نق فونه ساج. تکه دوق فاكي فون، ري
هنچور هيلغ ده. فس هق لارغ تو، اصلن درغد فيکيران مائسي
ساج، هق سوک مفاجر.

23 سوغکوه فون دغن فرکارا ۲ ني، نمفق سروف اورغ دوق توروت
علمو هق يالم، دغن فقسا ډيري ري بري قواة برعمل دغن
مفهينا کا ډيري ري، فس دغن بوات تروق کا توبوه بدان ري.
تافي فرکارا ۲ سموا ني تاء ار کواس نق تاهن هوا نفسو راه
هاتي مائسي کيت.

باب 3 مو بوليه هيډوف دغن کواس المسيح ساج

1 ايغته اډيق براديق کو! دغن توروت جالن المسيح حادي
سروف مو هيډوف کليق ده، سکاڻي دغن ري. سابيت توله مو
کا توروت جيچق لغکه ري، دغن هادف کو تمف توهن
يائيت تمفت المسيح دوق فرينته دغن کواس فنوه، دسبنه
کانن توهن.

2 مو کنا فرهاتي تيغوق کا فرکارا هق موليق، هق باليق تمف
توهن تو. مو تاء کنا فرهاتي تيغوق کا فرکارا ۲ باليق دنيا.

3 کران لاني مو سروف اورغ هق ماتي ده، فوتوس هابيس دغن
فرکارا باليق دنيا. هيډوف چارا بارو هق فواق مو فون دوق
سام المسيح. مو دوق دالم ليغکوغن توهن، کران مو دوق
سهاتي دغن المسيح، هق دوق سهاتي دغن توهن فول.

4 فس، بيلا المسيح هق بري کيت هيډوف تو، نق تورون ماري
دافن مات سموا مائسي فول، فواق مو فون نق ماري سکاڻي
دغن ري، انتوق بري پات کات، مواد سکاڻان دغن کمليان هق
ري.

هيډوف چارا بارو دغن هيډوف توروت نفسو ۲ مو

سابيت توله، اډيق براديق کو، مو کنا تيغگل نفسو جاهت

مو، سروف مو بونوه دي، ياءيت نفسو هق سوک بوات جاهت
حسرت پتيا، نفسو هق سوک توروت سموا فرکارا هق چمر،
نفسو هق بري مو کيلا نق هق تو، نق هق ني، نفسو هق سوک
بوات جاهت سمات ۲، فس نفسو طمع، کران سسوغکوهن اورغ
طمع پردوسا سروف اورغ هق سمبه برهالا .

فس، دغن کران سموا فرکارا ني توهن نق مرک، تندو دي نق
حاتوه حکوم اتس اورغ هق تاء سير طاعة کا دي .

اديق براديق سنديري فون بياس جايي بالس تو جوک، بوکن، تکه
مو دوق باوه فرينته هوا نفسو مو دولو ؟

سامي لاني اديق براديق کنا بواغ سموا نفسو ني، بري توبيت
دالم هاتي، تاء کيرا کات نفسو هق بري مو موريه کا اورغ فس
هو بري مو فانسر مالا هق مان ۲ فون، نفسو هق بري مو
نجي نق بوات جاهت کا اورغ . فس فرکتان مغوفت کا اورغ،
دغن کچيق چافوغ فون، جاغن بري توبيت دمولوت جوک .

جاغن مو کچيق بوهوغ سام سنديري، کران مو سوده بواغ ده
طبيعة مو هق سدیا، هق بري مو بوات سموا فرکارا جاهت تو .
لاني مو دوق فاکی طبيعة هق بارو، هق موليق ده . فس،
طبيعة هق بارو ني، المسيح کهور ۲ بري جادي سروف فراغي
هق دي سنديري . توجوان توهن، نق بري فواق مو بوليه کنل
دي دغن سمفرن .

مائسي هق جادي فراغي بارو بالس ني، تاء ار مستحق دي
بغسا يهوي اتوا بغسا لائين ۲، دي تريما ده تندو برسونه
اتوا تاء تريما، بلرله . دي جادي اورغ لوار هق تاءتاهو عادة
کيت، اتوا اورغ هوتن فون، همب اورغ اتوا توکيه فون، بلرله،
سموا فرکارا ني تاء مستحق انتوق اورغ هق فراغي بارو بالس
تو . هق مستحق سکالي انتوق دي ياءيت المسيح، هق دوق
دالم سموا فواق ني .

فولوس بري نصيحة انتوق سموا اورغ هق فراغي بارو

- 12 مو جاني اورغ هق توهن کاسيه، هق بي سوده فيليه جاري
مليق دي. سابيت توله، مو کنا امبيق فاکي فراغي هق مولوق
يائيت کسياغ بلس کا اورغ، بوات بوي بهاس کا اورغ، مو کنا
مرنده ديږي، هاتي لمه لمبوت، کنا صبر ديږي مو.
- 13 مو کنا ايغت سام سنديږي، فس کالو ار اورغ هق بوات ساله
کفد مو، مو فون کنا معاف کا دي، سروف توهن سوده امفون
- 14 کفد مو. فس هق مستحق سکالي، کنا کاسيه مو اکو. فراغي
کاسيه ني فون، مو کنا امبيق فاکي بري کجت سموا فرکارا هق
موليق سائي تو.
- 15 سنغ هاتي هق عيسي المسيح بري ده کا فواق مو، مو کنا بري
جاري سروف اورغ تغه دالم هاتي مو سممور. اينبله حالن هق
توهن فيليه، نق بري فواق مو دوق سهاتي مو اکو، کران مو
جاري سروف ساتو توبوه. فس موليقله مو دوق اوچف تريما
کاسيه کا توهن سممور.
- 16 بريله فرکتان المسيح کهور ۲ توبيت حاصلن دي دالم هاتيمو،
هيغک سمفي مو کاي دغن علمو سوغکوه. مو کنا مفاجر بري
نصيحه کاتيک، مو اکو دالم فواق مو، ايکوت علمو هق توهن
بري کفد مو. فس، مو پاپيله دغن سوغکوه ۲ هاتي، فوجين کا
توهن، ديکير ۲ دغن لاگو ۲ هق روح توهن بري کا هاتي مو.
فس پاپي دغن اوچف تريما کاسيه کا توهن دالم هاتي مو
سممور ۲.
- 17 اف ۲ هق مو دوق بوات، هق مو دوق رويت فون، بوات دغن
ايغت کات، مو باوا تيته ربي عيسي. فس اوچف تريما کاسيه
کا توهن باف کاتيک، دغن نام المسيح تو.

جالن کيت کنا برسڻکوت فائوت سام سنديري

- 18 هي فواي مو هق جاري بيني! مو کنا طاعتله کا توء لاکي مو. فاتوت اورغ کريستين کنا بوات بالس تو.
- 19 فس اورغ هق جاري لاکي فول، مو کنا کاسيهله کا بيني، تاءليه بيغکيغ دغن دي.
- 20 فواي مو هق جاري انق فون کنا توروټ سما فرينته ايبوباف مو، کران توهن برکنن کا اومه دي بوات بالس ني.
- 21 تافي مو هق جاري ايبوباف فول، جاغن مودوق کيلا مغيقيق سممور، سهيغک انق جاري بيغوغ تاءان نق توروټ.
- 22 فواي مو هق جاري همب اورغ فون، مو کنا بوات توروټ سما فرکارا هق توان سوروه. فس جاغن مو بوات موليق دافن مات توان مو ساج، نق بري دي برکنن کغد مو، تافي بلاکغ مات دي مو بوات هودوه. مو کنا کرج سوغکوه ۲ کران تاکوت کا توهن هق دوق ار سممور.
- 23 کرج مان ۲ هق مو دوق بوات فون، مو کنا بوات دغن اخلاص هاتي مو، هق سوغ فاتوت دغن بوات کرج انتوق توهن، بوکن انتوق ماءنسي ساج. کران مو تاهوده، توهن نق بري کغد مو، فساک هق دي چادغ تاروه انتوق مو. سوغکوه مو کرج انتوق ربي کيت المسيح. دياله هق جاري توان مو، بوکن ماءنسي تو.
- 25 فس، سياي دي بوات ساله، توان اتوا همب فون، توهن نق حکوم کا دي سروف سما، فس نق بالس دغن سوغ فاتوت سنارا مان دي بوات تو.

باب 4

- 1 فس فواي مو هق جاري توان اورغ کرج، مو کنا بوات موليق دغن عادبل کا اورغ کرج تو. ايغتله، مو سنديري فون جاري همب

جوگ. توان مو دوق دشرک.

مستن فولوس جارا حال بردعا

- 2 مو کنا تبیغ مینتا، دعا سممور، حاغن بری لالی. فس. تکه مو دوق بردعا تو، مو کنا اوچف تریم کاسد کا نوهن.
- 3 فس، مینتا، له انتوق کیت کاتیق. مینتا، توهن یوک حالن، بری کیت بولیه کی رویت خبر هق ماری درفد توهن، نایب حر چارا حال المسیح، هق مولا ۲ توهن تاروه، نافی لانی بی یوک ده. کران سابیت توله، اکو کنا کوروغ دالم کوق.
- 4 بریداله مینتا، توهن بری اکو بولیه رویت خبر نی دغن سروس ترغ، کرج هق مستی اکو کنا یوات.
- 5 مو کنا اینت بری مولیق، اف ۲ مو نق یوات کیجیق کا اورغ هق تا، فرچای سروف مو تو. حاغن مو بری روکی ساح، فلواغ هق توهن بری کفد مو.
- 6 جاکاله کیچیفن مو تو، بری اد فائده کا اورغ هق دغر. فس، مو نق تاهو جواب سوالن اورغ مان ۲ فون بری بتول.

سائین ۲ فولوس کیریم کاسیه کا اورغ فواق کولوسي

- 7 تیکیکوس، ادیق کو هق اکو کاسیه تو، نق باوا، خبر فواق اکو دسینی، کا فواق مو. ری دوق تولوغ کیت سوما دغن سوغکوه ۲ هاتی، فس ری یوات کرج رتی عیسی سکالی
- 8 دغن اکو جوگ. اکو هنتر ری کی کا تمفت فواق مو، نق بری ری رویت سوما کجادی کیت بالیق کو، فس نق تمبه سماغت فواق مو کاتیق.
- 9 فس، هق کی سکالی دغن ری تو، اکو سوروه اونیسیموس، هق دوق بالیق مو دولو تو. اونیسیموس نی ادیق کیت هق سوما اورغ کاسیه، فس کیت بولیه هارف کا ری سوغکوه. بی کدوا

تو بوليه رويت کا اديق براديق باليق مو، سموا فرکارا هق
جادي باليق کو ني.

10 اريسٽرکوس، هق دوق کوروغ دالم کوق سڪالي دغن اکو دسيني
فون، کيريم سلام کا اديق براديق کاتيقي. مرقوس فون، سفوفو
دغن برنيس، کيريم کاسيه کا فواق مو جوگ. چارا حال مرقوس
ني. مو تريما ده فسنن اکو کات، مو کنا سمبوت دي بري
مولق ۲، بيلا دي سمفي کا نگري مو تو.

11 فس عيسي هق اورغ فنگيل جوستوس، دي فون کيريم سلام
کاتيقي. دالم فواق اورغ يهوي سموا هق جادي فواق المسيح
تيگ اورغ ني ساج، هق کرج سڪالي دغن اکو، نق بري اورغ
رات ۲ تمفت ماسوق توروت فرينته توهن. فس تيگ اورغ ني
بياس تولوغ اکو سوغکوه ۲.

12 ايفافروس، همب عيسي المسيح سئورغ لاکي، هق جادي
سفواق دغن مو دولو تو، دي کيريم سلام جوگ. دي دوق بريما
سوغکوه ۲ سممور، انتوق فواق مو، مينتا توهن بري فواق مو
برديري تکف، جادي اورغ هق فرچاي دغن سمفرن، هق يقين
نق طاعة سموا فرکارا هق توهن کهندق انتوق مو.

13 اکو فولوس ني، بوليه جاني سقسقي کات، سوغکوه ايفافروس
سائي راجين کرج انتوق فواق مو، فس انتوق فواق دبندر
لا، وديکيا کاتيقي، دغن فواق دبندر هيرافوليس کاتيقي.

14 بومور لوقس هق کيت کاسيه تو، دغن ديمس، کيريم سلام

15 جوگ. فس اکو فولوس فون، نق سوروه فواق مو باوا سلام
کو کي سمفي کا فواق اديق براديق دبندر لا، وديکيا، فس کفد
فواق المسيح هق کي فراچوم درومه نومفس کاتيقي.

16 بيلا مو سوده باج سورت ني، بري سموا اورغ دغر ده، مو
کنا هنتر بري سمفي کا فواق المسيح هق دوق دبندر لا، وديکيا

فول. فس، سورت هق دلاء وديکيا تو، امبيق ماري باح راقن
فواق مو دکولوسي جوک.

17 فس، تولوغ کي رويت کا اړخيفوس کاتيقي، کات: فوليس سوره
مو بوات بري سوده موليق ۲، کرح هق مو دوق تفکوځ انتوق
رښي عيسي تو.

ايات هق سورد ني، اکو فولوس نوليس دغن ناغن کو سندري،
نق کيريم سلام کا اديق براديق سموا. فس تکه مو دوق مينتا
دعا، جاغن ترلوف کا اکو، هق دوق دالم کوف ني.
اکو مينتا توهن تورون رحمة دي اتس فواق مو سموا.